



Politička organizacija građana "Naša stranka"

Branilaca Sarajeva 5/1, 71 000 Sarajevo

Telefon: 033 408 888; Fax: 033 408 881

E-mail: nasastranka@nasastranka.ba

Web: www.nasastranka.ba

Vildana Bešlija

Zastupnica u Skupštini Kantona Sarajevo

Broj: ____/19

Sarajevo, 30.10.2019.

Dostaviti:

Bosna i Hercegovina

Federacija Bosne i Hercegovine

Kanton Sarajevo

Skupština Kantona Sarajevo

n/r predsjedavajući Skupštine Kantona Sarajevo

Komisija za obilježavanje, čuvanje i njegovanje historijskih događaja i ličnosti

Uputiti: Vlada Kantona Sarajevo

Ministarstvo komunalne privrede KS

Univerzitet KS

PREDMET: ZASTUPNIČKA INICIJATIVA

Poštovani,

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12), Vladi Kantona Sarajevo, tačnije resornom ministarstvu i upućujem inicijativu za **preuređenje prostora kod Kampusu Univerziteta u Sarajevu i pretvaranje istog u parkovsku površinu pod imenom „ Studentski Park - Goran Čengić“**.

O B R A Z L O Ž E N J E

Krajem ovog ljeta, radnici Kantonalnog javnog komunalnog preduzeća Park sproveli su akciju čišćenja i uređenja Kampusu Univerziteta u Sarajevu, kako bi ovaj prostor uskoro bio pretvoren u zelenu površinu.

Ovu aktivnost realizovalo je Ministarstvo komunalne privrede i infrastrukture KS u saradnji sa rektoratom Univerziteta u Sarajevu.

Kako povremene akcije ovog tipa ne bi bile jedini vid ulaganja u ovaj prostor, iniciram temeljito preuređenje istog u svrhu pravljenja parkovske površine. Ova parkovska površina nalazila bi se u centralnom dijelu grada i na usluzi bi bila ne samo studentim Univerziteta u Sarajevu, nego i svim građanima. Naš grad je svakako deficitaran sa parkovskim površinama, a ovaj prostor je zbog svoje lokacije, idealan za tu namjenu.

Pored toga, ovim putem iniciram da, nakon uređenja i stavljanja na raspolaganje građanstvu, studentski park dobije ime dobitnika priznanja za građansku hrabrost Gorana Čengića.

Goran Čengić rođen je 1946. godine u Sarajevu. Bio je istaknuti rukometaš klubova Bosna, Mlada Bosna, Crvena zvezda i reprezentacije SFRJ 1963, a u svojoj sedamnaestoj godini sa RK Bosna osvaja Kup Jugoslavije.

Goran je bio odgajan u duhu antifašističkih ideala, prije svega slobode i jednakosti za sve ljude, koje su baštinili njegovi roditelji Nataša Zimonjić-Čengić i Ferid Fićo Čengić, koji je bio poslije Drugog svjetskog rata prvi poslijeratni gradonačelnik Sarajeva.

Goran je živio u okupiranom Sarajevu, na Grbavici odakle je odveden i ubijen 14. juna 1992. godine prilikom spašavanja svog komšije doktora Husnije Čerimagića po kojeg je došao Veselin Vlahović Batko, poznatiji kao "monstrum s Grbavice".

Njegov pokušaj da spasi komšiju nije uspio, naprotiv Batko je odveo i Gorana Čengića, čije je tijelo nakon devet godina od ubistva pronađeno i pokopano.

Goran Čengić je proglašen Pravednikom 2013., kad mu je posthumno dodijeljeno priznanje za građansku hrabrost: „Dušan Kondor“.

Molim ministra Komunalne privrede i infrastrukture da usmeno odgovori o mogućnostima i eventualnim planovima u realizaciji dijela inicijative koji je u nadležnosti ovog ministarstva.

S poštovanjem

Vildana Bešlija

Zastupnica Naše stranke u Skupštini Kantona Sarajevo